

推九宮出行孤虛博奕八門三路吉

必勝逆順

甲子甲辰起一宮庚內相逢子六宮春夏一  
依言此例秋冬甲子入乾宮庚寅却來於秋  
上萬年千載古今同

皇太一八門道順生死圖  
陽卦甲子門順千逆行



黃帝太一八門入式訣卷上

黃帝太一八門入式訣卷中


夫玉女者是太陰太清玉女璣六丁八吏陰  
神大天帝在刀利天出符召集六丁亥甲諸  
神共說三式大威德法及受持天罪天魁禹  
步神呪遂與人間除災免厄去禍滅殃為漏  
蕩除狂寇剪滅凶妖軒轅黃帝時蚩尤將軍  
作亂殘害生靈不知其數黃帝不忍與蚩尤  
曾經數陣不尅無計滅除玉女曰臣前持此  
三式靈文下界為民除害剪滅奸凶此未敢  
自專天帝曰汝若受持此法可以移山覆海  
摧滅惡魔藏形隱影興雲致雨不可思議此  
法學道之人可傳若求解脫密秘其術為已  
為人變凶為吉驅役鬼神今取外國之間異  
文字物色珍寶異物以為童戲甚易若持此  
法精勤不怠世之金銀七寶不求自至汝今  
下界與軒轅剪滅蚩尤之亂為國除害以致  
太平後付學道清淨之士授持此法無不知  
意過去未來一切事可知之言思無間不知  
其法甚靈精世間希有天帝謂清淨素道之  
士若能受持長生久視永壽無疆

大神呪曰

能使六丁出幽入冥亦無所畏亦無所驚  
十年不動萬載不傾今日禹步上應天庭  
下應地理道德長生急急如律令攝  
授持如日月照世間吾今更說六丁神訣印  
令作法人遠有威力神通  
第一印先小指及無名指為拳頭指直上應  
指中指節此者能令作法隱影藏形  
第二印不改前以小指相勾即心前念呪一  
百遍能令作法人飛行天外移山拔海微  
妙法  
第三印依前拳右手制左手上當心此印能  
取世間上好物色與作法人受用施惠救  
濟苦難  
第四印不改前拳雙合手心印能令出見貴  
人容顏悅懌萬事通亨與雲致雨  
第五印不改前拳以大母指直指中以大母  
指文能制金木水火土修身長生久視  
第六印換手能攝太陰玉女常在左右無使  
不然無求不遂更在志心念呪

天帝曰我印慎焉勿示非人一身得法只傳  
三人是出離苦海超昇仙道不可妄傳非人  
清淨行持吾法是立壇中以契為約為定最  
上妙矣若以此印傳人以後不得輒起再傳  
即法不成恐遭折墮故壇場契約為定以後  
依指不可言說太陰玉女神通自在此法最  
宜深秘不令見聞保惜之焉

三皇大帝曰隨式有太陰玉女六丁八吏  
神符六道飛行萬里為國報讎又能追取世  
間珍寶財帛用之無窮給印書符無不通靈  
無不所從太陰玉女主領九天仙女兼知千  
里之外信息如在目前通天地不可思議戴  
符入陣敵人自退歸伏太陰玉女六丁神將  
符六道



第一丁卯神將門者徐儀戶名公孫齊神着  
道服裙冠中有兔頭右手持戈有興雲致雨

破陣之力




第二丁丑神將門者徐可戶成子其神着黃  
衣裙冠中有牛頭左右手持鎬名子林入海  
取異寶




第三神將門者司馬光戶石戟其神着皂服  
裙冠中有猪頭右手持鎬名凌成陸飛行萬  
里取世上好物



第四丁酉神將門者石泉戶千可其神着白  
衣裙冠中有雞頭左手持弩天女曰驅使鬼  
神飛走雷電有興雲致雨之力



第五神將門者公孫借戶司馬勝其神着黃  
衣道服裙冠中有羊頭左手持戟有變畫為  
夜之力



第六丁巳神將門者公孫光戶司馬卿其神  
冠中有蛇頭着緋衣服裙左手持鏡有移山  
覆海之力

右以前六丁玉女符以月蝕夜採杜荆木  
或梧桐木栢木作版子長九寸廣厚二分  
以雄黃書神名於下縫袋盛之若用出兵  
上將所在之處書其符直旬符甲子旬日  
書丁卯符壇上掛之向敵兵自伏或搜隊  
歸國不敢視之凡取木法先令人定月蝕  
之後預先三日沐浴齋戒備脯焚香以祭  
之乃伐木

呪曰

杜刺木相思之神曹孫某甲靜六甲之變化  
隨心呪請奉酒脯願神降靈飲宴醉飽急急  
如律令攝

如此祭祀乃罷伐所取造作版子書呪作

壇場於神室亦得

祭醮三層壇法式

上將軍壇

第一層方圓三丈六尺第二層方圓三丈二  
尺第三層方圓二丈八尺每層高一丈二尺  
每層減一尺二寸開三十六門劫面一尺二  
寸

仕宦壇

第一層方圓二丈四尺第二層方圓二丈二  
尺第三層方圓一丈八尺每劫高八寸開二  
十四門各劫面一尺

庶人壇

第一層方圓一丈二尺第二層方圓一丈第  
三層方圓八尺每層各六寸開十二門庶人  
之家用也

右置神室於宅外百餘步來作門十二分  
野以竹為纂各長三尺隨方安排版上掛  
六丁之位以五彩各長三尺以為籍羅列  
於處酒脯香華菓子六分於六丁日夜各  
呼名姓祭之


丁卯玉女文伯字仁高丁丑玉女文公字仁  
貴丁亥玉女文通字仁和丁酉玉女文卿字  
仁修丁未玉女升道字仁恭丁巳玉女庭卿  
字仁敬

呪曰


能使六丁出幽入冥無所不畏無所不驚  
千年不動萬年不傾天地同休萬劫長生  
急急如律令攝  
仙經曰六丁玉女能大能小能長能短呼名  
召而使之萬事從心千里乃知消息又能取  
世間萬物任意到來他處有酒魚肉千里立  
至及令人宅舍清吉五毒不敢近有子聰明  
長壽富貴至老無窮錢財自至事君得意常  
懷懼善不畏微細其神並知直來下界在人  
家知其吉凶召而問之有信立驗萬金不傳

父子勿示如至人君子傳之  
登明河魁從魁春旺月王相丁卯日攝之  
傳送小吉勝光夏旺月王相丁丑日攝之  
太一太衝天罡秋旺月王相丁亥日攝之  
功曹大吉神后冬旺月王相丁酉日攝之


六丁神將符六道




丁卯神將名  
文伯字仁高




丁丑神將名  
文公字仁貴




丁亥神將名  
文通字仁和



丁酉神將名  
文卿字仁修



丁未神將名  
升通字仁恭



丁巳神將名  
庭卿字仁敬

仙經曰諸般求事六丁玉女如事大官若嚴  
師等不敢輒嗔怒常慈心常慎口勿妄言諸  
惡罵辱房中能祭而使之預觀未萌之事委  
曲暗耗立有其驗若事官口舌不和百般或  
男或女小兒諸般疾病或重或宅舍耗動興

生買賣求覓不如意者皆祭六丁玉女便得  
如意遂心矣

今月祭法

新席一領新布手巾六條各長六尺香六爐  
淨水一盞乾魚肉六分餅餠六分鹿脯六分  
新果子六分酒六分燈六盞茶六盞菜蔬六  
分供養殘者自食

右先洒掃神室清淨掛簾一領及問小生  
細語曰我為祭主按行天下辟除不祥與  
子為交常祭祀魚鹿脯等與祭言曰

六丁玉女各坐本方仙人行酒玉女侍觴風  
伯洒掃雨師持漿今日行事日吉時良先師  
有約受我神方先以鹿脯次以棗湯百日清  
酒浮蟻綠漿先熟五果淨潔白糧我所行坐  
如若金剛延年益壽憂苦滅亡凶神魁魁遠  
去他方追我者死大逆隱藏學業成就得遇  
仙王急急如律令勒  
嚴君平曰凡修持此法清淨齋戒三日人定  
後及雞鳴時祭之不過六祭其神自現但熟  
視其神共人言語如姐妹兄弟報其吉凶矣

黃帝太乙八門入式訣卷中